


Ernesto Che Guevara: «Ne ĉar vi falis, via lum' malpli altas»



La 8-an de oktobro de la jaro 1967 la komandanto Ernesto Che Guevara estis vundita kaj kaptita de la armeo en Bolivio, kie li batalis kun la gerilanoj de tiu lando favore al liberiĝo de la sudamerikaj teroj.

Pro ordono de la usona agentejo de inteligencio, CIA, li estis murdita la 9-an de oktobro kaj lia korpo estis kaŝe enterigita. Sed lia figuro pli grandigis tra la tuta kontinento kaj la mondo, kiel ekzemplo de homo kapabla batali por siaj idealoj kontraŭ imperiismaj kaj por la sendependeco de la popoloj kie ajn tra la tergloblo.

Ĝuste nun, okaze de la 51-a mortodatreveno de la heroo gerilano Ernesto Che Guevara, okazas pluraj eventoj omaĝe al li kaj la gejunuloj, aparte, pristudas lian pensaron cele al kreado de nova homo en mondo pli justa kaj egalrajta.

En Vallegrande, Bolivio, ankaŭ okazas diversaj omaĝoj kie ariĝas centoj da personoj, intelektuloj, aktivuloj, amikoj kaj familianoj kiuj memoras la vivon kaj agojn de Ernesto Che Guevara.

Preter lia figuro kaj heredaĵo, Che Guevara estas simbolo kiu inspiras la junularon aspiranta je pli bona mondo. Tial, kiel esprimas la poeto «Ne ĉar vi falis, via lum' malpli altas».

<https://www.radiohc.cu/index.php/eo/especiales/exclusivas/173372-ernesto-che-guevara-ne-car-vi-falis-via-lum-malpli-altas>



Radio Habana Cuba